

秋

笳

集

秋笳集

蓋聞山禽鍛羽怨四子之分飛

同本是以解依叅佐愛比機雲

多病見書見下

茱萸兩地寄摩詰之幽憂春草一塘勞惠連之夢寐
余兄漢槎以惠子五車陳王七步琉璃雕管題成芍
藥之工翡翠筆床篇擅芙蓉之譽何來謠詠遽悼漂
離馬伏波之薏苡溪水墮鳶杉中監之瓊毛塞天鬣
雪迢遙紫土水咽松花瀾迤黃雲關寒榆葉托嘶馬
以長征望孤鴻而永慟穹廬靜夜遙聽邊笳刁斗凌
風時聞塢笛蒲萄藏貴相之谷豈易消憂琵琶調馬
上之絃徒然增戚此執珪所以越吟而軍府爲之南

操者也。况夫鶴鴈萬里，萱背無依，雞塞頻年，棣華空茂。帛書雁足，向南望而程遙；尺素魚鱗，思北馳而路渺。夏連積雪之嶺，疇念衣單；秋轉飛蓬之根，獨憐衰草。遂使垂虹烟柳，限若羊腸；笠澤鶯花，杳如馬角。鐵衣遠戍，蕭條銀磧之聲；牙帳從軍，憔悴金微之客。嗟乎！生存華屋，子建以之哀吟；貧賤親離，顏遠因而悲咽。陶彭澤有停雲之作，孫子荆有零雨之篇。緬彼安居，尙多感慨；矧伊遠謫，能不淒其由是。構茲危苦，抒彼勞歌。命曰秋笳，彙成一集。陳子公之關河城邑，並入縹囊；郭景純之山海圖經，咸盈赤軸。聊述窮鳥之賦，用當塞客之吟。健庵先生標俊及之，鴻名推藝林。

之淵府三虎聯鑣登鰲頭而縹緲九飛齊奮搏鵬翼
以逍遙身旣托于重霄情彌深于舊雨慷慨綈袍之
戀清俸時捐徘徊岐路之隅芳訊屢及讀定遠玉關
之札側望沾襟接都尉塞外之詩悲涼賈涕迺謀割
劖以壽棗梨將令開府思鄉人頌江南之賦若使孝
儀歸國家貽使北之書余慙居第五之名兼切在三
之義春風秋月溯景淑而羣離暑雨祁寒驚節序而
滋戚時披華製以代萱蘇敢藉短翰而仰斧藻自此
蔡女清笳之拍樂府俱傳晏子脫驂之恩故人共感
云爾

先驚頓首頓首奉書健菴大兄先生足下六月二日
驛騎至會寧伏承書問又以僕衣食之憂輟俸相餉
爲德甚厚至欲索僕生平誤著付諸剗削無使泯沒
嗟乎此豈僕素望所及哉僕少時謬不自料與海內
諸賢馳騖聲譽維時足下兄弟爲先登而僕竊附其
後選集鋟行類蒙採入今則顛連無告不祥姓名爲
人唾弃何敢復出其技以爭鳴當世耶遭難以來十
有八年曩時親友罕以書見及惟足下兄弟及葑溪
少宰惓念舊故撫慰周恤於義爲已過矣又何可以
窮愁之辭重累左右故三年前足下貽書及之而僕
逡巡未敢應者以此也今足下終不鄙棄復見徵取

乃識大君子之用心而僕之妄自疑度適爲固陋矣
然足下無乃睹僕往時而不知僕枯槁之餘豈復有
葩華哉古今文章之事或曰窮而後工僕謂不然古
人之文自工非以窮也彼所謂窮特假借爲辭如孟
襄陽之不遇杜少陵之播遷已爾又其甚者如子厚
柳州子瞻詹耳已爾至若蔡中郎髡鉗朔塞李供奉
長流夜郎此又古文人圃阨之尤者然以僕眎之何
如哉九州之外而欲引九州之內之人以自比附愈
疏濶矣同在覆載之中而邈焉如隔夜泉未知古人
處此當復云何以此知文莫工于古人而窮莫甚于
僕惟其工故不窮而能言窮惟其窮故當工而不能

工也萬里氷天極目慘沮無與圖記載以發其懷無
花鳥亭榭以寄其興直以幽憂惋鬱無可告語退托
筆墨以自陳寫然遷謫日久失其天性雖積有篇什
亦已潦倒潰亂不知其所云矣詩曰已焉哉天實爲
之謂之何哉夫知其當已而不能自己於吟者此僕
比日之心也古之論文章者不以其人之貴賤榮辱
今則不然昔盧次楨與王李七子同時其才固相軒
翥不幸下獄其所撰蠅蠓集微元美諸公幾不著因
歎古今文人觸扞網羅不遇知己卒以無傳者可勝
道哉今海內理平文治日盛足下兄弟得位行道天
下文章翕然歸于三徐言論所及藝林以爲宗今不

鄙僕欲序而梓其所作使天下知劫灰寒燠猶有燭
光則僕雖終淪廢豈有恨哉少作故有刻稿患難後
度已散失請室諸咏稍有存者今所錄詩賦若干篇
皆已夾出塞後作昨歲插哈喇之亂倉卒中遺亡百
餘篇睽離日久無所取正恐目就舛陋不復自知望
加刪定以質當世幸甚幸甚兆騫再拜

余弟漢槎自塞外貽書徐健菴以所著秋笳
集奉寄今健菴亟謀剞劂不負故交萬里
之托余爲愴然感泣賦此志謝

吳兆寬

弘人

嗟爾磊落倜儻之奇才矯首南國雲烟開青春翻飛
摧羽翮玉樹葳蕤委草萊可憐九死身名在風流文
采使人哀自昔一去遼城北生入玉門無消息華萼
離居廿載餘雲海茫茫隔顏色我欲從之渡乘乾永
雪嵯峨關塞黑憶爾魂夢頻往來容華憔悴恐不識
長風秋盡雁鴻飛帛書繫足向南歸吹墮庭前開尺
素含情緘怨淚沾衣一札殷勤貽舊雨

謂健菴

感恩道

故此中寓鄭重新詩數十篇展卷如向邊沙語歷徧
山川名狀難開鑒鴻濛漸如故雪窖冰天未足奇山
經水注那曾數車書萬里度遐陲獨限流人滯一枝
山鬼窈窕陰崖窟魚龍嘯舞青海湄屈原澤畔行吟
苦阮籍窮途祇自悲黃沙白草供詞賦並入君親朋
友思地非蒼梧麓斑竹啼痕若可掬身非蜀道行月
峽哀猿若爲聽壯歲沈淪頭漸白空將詩卷傳荒磧
不遇知音識者稀虛名千載誰相惜世路悠悠幾歲
寒交態浮雲感今昔東海先生金石心鳳池結念無
衣客追憶平生涕泗流撫恤患難心手畫對此往復
思纏綿浩歌把酒欲問天青蓮放逸夜郎日學上文

章海外年奇文異響公天下勿教蒼頡泣無傳吁嗟
才士遇與不遇安足論立言要使垂久遠莫嘆虞翻
骨相屯得一知已可不恨

秋笳集卷一

吳江吳兆騫漢槎著

賦

春賦

秋雪賦

羈鶴賦

蘭賦

萍賦

長白山賦

竹賦

陶彭澤無絃琴賦

秋笳集卷一

吳江吳兆騫漢槎氏著

春賦 少作

伊寒律之代謝啓春序之繁昌望山川之淑景舒亭
臯之艷陽隄灩二而烟渺野嬖二而碧芳絲繞枝以
被麗風轉蔥而承光桐華綺岫蘭葉銀塘貽粉蝶于
珍卉隱綿羽于高楊惜景光之易邁念憂樂之無方
撫九春而永望憶千里而增傷故雖風物同候而歡
愁殊變至若長樂深宮昭陽別殿節徙百華晝餘六
線晶屏開鳩鵲之樓珠綴下鴛鴦之幔樹綺合而霏
微草星離而蔥蒨花明太液玄飢初飛柳暗宜春流

鴛乍轉手是咸陽卷末之女扶風辭輦之姬沈淪永
巷徘徊履綦怨銅龍之屈晚勞銀箭之更移啓金鋪
而凝睇涉珍臺而蕩思柘館空兮青苔積蘭林寂兮
碧草滋堂翠華而不見聽鳳管而長悲去復去兮春
已暮怨復怨兮君不知若乃貴主芳園徹戾甲第西
京青瑣之家南陽綠綈之地循碧檻而邇迴俯金堤
而容裔引鮮廳于綺疏下玄陰于玫砌爾乃徵霧縠
命雲翹試羅衣而登茵閣張黼帷而照蘭皋游鑣乍
倚筇柱新調駐流雲于歌扇矜結風于舞腰指景物
之駘蕩瞻池館之迢遙翠袖揚兮絲篴合朱顏酡兮
羅綺嬌至如承恩小侯期門公子更衣雕輦之傍斷

袖金屏之裊亦復怡情暇日遊目芳時出蘭池而走
馬入槐里而鬪雞結茱萸之麗帶被蒲桃之賜衣溫
臯草淺小苑烟霏逸珠九于文羽炤綠幘于春枝遙
指宜年斜經鄠杜開金埒而塵空響玉珂而烟驚陳
王飾瑪瑙之鞭衛尉碎珊瑚之樹望芳郊之遠春屆
狹斜而欲暮若乃女桑初展條風始熏煩陰曜景細
葉垂芬則有燕關蕩婦代郡佳人學歌北里習舞西
秦畫修蛾而黛淺梳墮馬而鬟新念八蠶之已熟知
三眠之欲分爰覩粧而命侶漫提筐而嘯羣瓊鈎宛
轉珠繩掇弱條冉二兮遠揚葉飛二兮稍落袖淺摘
而香霏腕頻移而羅薄值使君之廻鑣逢參軍之行

藥請交佩兮目成贈搔頭兮心諾復如妾居洛水君
戍寘顏瑣窗獨掩逃迭空然罷流黃之夜織晦錦踰
之晨妍草積堦而汎綠花臨砌而含烟玉關無極金
河帶天貽待女兮何處佩宜男兮幾年自征夫之戍
久泣空床之獨守游塵盡飛苔錢春厚章臺之釧空
存隴西之鏡未有悲橫笛于郭超寄異香于韓壽對
深閨之落梅憶關山之折柳又若河陽愛妾安豐字
卿琲珠寵去貝錦讒成徒悲蕙晚空怨蒲生掩羅茵
而麝歇撫玉軫而鸞驚攬芍藥而生悲采薜蘿而沾
臆屏宛轉兮豈長帳萎蕤兮春寂愁紫玉燕悵望青
驪雕胡薦兮誰御溝水流兮不歸君聽下山之曲妾

依織素之機復有送客東門傷離南浦緹帳宵懸金
羈曉聚度楚曲而增哀對秦箏而獨撫依二春草浼
二春流覆露桃于玉道低烟柳于銅溝蕙路長兮紫
艾馬蘭江渺兮青翰舟去故鄉而遠逝指往路而離
憂容與征軒逶遲去憶掩玉筍兮賓御驚贈金鞭今
行塵晚草懷夢而情長山遂枯而客遠知移柳之何
年信采蘭之不返亦有飄搖海溼流戍江潯虞仲翔
則交州遠竄趙景真則代郡長沈莫不對落花而橫
涕聞歸雁而摧心已矣哉胡春物之暄妍信芳年之
娟好嗟余志之靡常獨逢春而心悄攀柳枝而涕滋
指棠梨而怨曉潘中郎之徘徊明鏡徒驚歲華魏司

徒之遊獵春山空悲年少佩楚客之叢蘭開仙人之
別島探五嶽而長辭汎九烟而終老乃爲歌曰江南
芳芷兮色以陳紅顏一去兮沾羅巾歲三春風南陌
上惟有垂楊踈地新

秋雪賦

吳生旣竄旅于龍山之下戚兮無慘悄兮多暇抱孤
迹于寒郊眷羈心于秋野于是青要已屆素商未闌
熊坏西蟄雁厲南翰玄冰濂而夜結玉露皓而朝溥
爾乃眇懽緒愴憂端倚拂廬以淒目對服匿而流歎
憶江皋之餘煖怨遑候之早寒俄而九關欲黯千里
無色魚雲斷山雁沙鳴磧天瀟瀟以將低日曖曖而

如沒簪埃霽于遙空積風威于廣隰霰瞥屑而稍飛
雪翻颺而遙集匝窮陰之窈鬱起嚴氣之氛氲乍連
山以轉霧忽縈空以憑雲始嬈媚以構雷遂雜沓而
橫氛混玉門兮並色覆金河兮莫分于是遙峰失紫
裝林掩黛日冷金支雲收羅帶殺蟲響于陰崕凍波
文于玄瀨薄涼駕兮增寒入迅商兮振籟淒兮瑟三
爽兮霏二入帳凝華悞鶴關之曙啓停林結葦疑鸞
朔之春歸綿烟壑以含縞合雲海而通暉迷征馬之
野牧慘寒鵬之夕飛悲青桂之爽節歌黃竹之哀辭
旣乃燭龍將暝城烏漸息山返樵歌林歸獵客靈依
久而彌嚴霏橫天而轉急壓土銕兮沈烟灑墮墻兮

綵霞飛六出而未成翻三襲而爭積助紅樹之秋聲
踏絳河之夜色望已斷兮還連謂將開兮忽及未曉
柱而玉殘似卷綃而珠泣冒蓮衣兮墜紅點蘆花兮
偕白磴何遠而非銀臺何高而無壁蕭條金墮戶爛
熳兮凝階金笳寒而葉脆鐵衣照而鱗開逐邊風兮
響蕭瑟鑒漢月兮光徘徊葉亂聲而競下雁孤影而
遙來眇平原之曠莽惟積雪之崔嵬若乃氛昏半收
夜景遙廓風飲天霄雲澄海堦月抱暈以東垂河含
星而西落荒雞喔兮伺晨霜禽嘹兮警漠凜淒靄之
凝嚴鏡澄暉之昭灼山千疊兮少人民野萬里兮無
城郭氣慄慄兮侵衣色晃晃兮盈幙樽琉璃而不懼

攬褐衾而怨薄笛吐哀以獨吹
淚承曉以雙落鄉夢遠兮空歸
邊心憤兮交作候已昧于秋冬
心何分于苦樂撫秋荊之如斯知
天施之未博彼夫南國王孫之
墅西京戚里之家梧承檐以稍
下菊羅砌而初華幕曾軒以楚
組代織綵以吳紗愛秋颺之送
爽憐秋夜之方賒綺羅紛兮樂
未已簫鼓喧兮月欲斜豈知江
接烏龍城遙玄菟飛雪嵯峨曾
冰迴沍遷客之辛勤塞垣之寒
苦哉悲來如何摧心自多援笛
攬調爲秋雪之歌歌曰邊風起
兮朔雲飛雁違寒兮度欲稀
關山遠兮誰與歸心懷鄉兮
空自知龍沙雪色秋如此腸斷
高樓舊寄衣

羈鶴賦

秋第集卷一

五

伊胎禽之皓麗超羽族而擅祥養南琛于火次毓西
氣于金商性玉清而內蘊儀瓊潔而外颺旄羽宣嶽
接翼歸昌瞭玄晴而燭月皎素翰而凝霜吐火齊于
驪首絳冰穀重修裳頰丹華而葩映翮髯采而焞揚
矯二高竊軒三遐驚秣芝田而弄姿飲溶溪而顧步
激曉暎于霜辰婉秋心於烟路指霄堦其何央豈人
寰之足慕連軒兮紫蓋馴授兮青田朝容與兮瑤岑
下夕棲跼兮珠樹邈還丹作帳中之使挾彈驂樓上
之仙響橫秋而益厲貌凌寒而愈妍翬揚翮兮萬里
乍舒息兮千年鄙白鵬之陋姿嗤黃雀之弱翼謂九

皋兮過歸詎一目兮我過仰雲嶠而猶飛恣風翎而未息豈知范機密藏虞羅潛織頓樂野之高置理桓生之輕弋鍛儁翮于中霄委微軀于下澤碎霜衣之襦褌摧藻質之淋滲魂侘傺兮誰語吭纖殺兮空吟屈此雲裔之侶爲君堦下之禽爾乃歛遙情緘夸節去寥廓就樊綬燕雀長偕鸞皇永別餐雁稗而未克其雞棲而任褻悵故巢之星乖悼孤雛之雨絕對淒影而增悲送哀音而沾血華表集兮何期琴絃響兮淒咽兮于荒途摧藏幽垤頻驚遙夜之寒空怨今年之雪于是冬灰欲徙秋箭將窮露凋華薄風勁寒櫻幕翻二而辭燕渚沈二而集鴻視空塘之謝綠睇迥

林之罷紅翹纖趾而清叫迅修毛而欲翬抱新愁于
池畔聽舊侶于雲中情眷二而懷歸色樓二而獨苦
既傷肌于網羅空托身于庭廡憶妙舞之吳城思仙
吹之洛浦緬軒翥兮無由惟羈棲兮遘侮寵未遇于
乘軒殃何罹于碎鼓感淒氣兮長懷結悲風兮自溯
霜肅二今夜庭葦梢二兮寒渚形曜雪兮誰憐志凌
雲兮何補彼東門海鳥對鐘鼓而含辛北風代馬亦
戀土而傷神矧茲鶴之清迥乃推落于荒榛恐歲年
之適盡怨雲霞之莫因眷天邊之鳳族羨沙上之鷗
羣諒委軀于匪類亦奚志于高旻豈窮生之足樂胡
介性之能馴倘更豐其六翮當橫絕于九垓

蘭賦

選卉族于幽記惟斯蘭之獨靈蘊澄華之秀質含迥
介之遐情微服媚于燕夢擅奇芳于楚汀芬入山郎
之握種傳待女之名詎競時而逞艷每屏幽而自馨
爾其細葩懸羅素苞切玉舒碧葉之修靡擢青附之
纖縵蒂含縹以冰鮮花點頰而星燭紛書帶之頻銜
森瓊枝之上蟲乍垂的以擢丹不結房而吐綠羅生
修坂叢被曾谷鮮雲結陰微颺送燠旣芊蔚于溫臯
亦葳蕤于丹麓並威喜之仙芝邁曾城之靈木斐披
媚景澹淡含烟託山楹而延藻蔭澗戶而垂鮮溥露
華而色淺承日影而香傳譬羣翡之棲岫似明霞之

曜川凌衆穢而未沫操孤芳而自妍于是璇閨麗人
金屏媚子蟬髻方梳鳳渠罷理煩炎景之赫曦愛芳
花之旖旎爾乃培以玄壤承以玉缸柔柯不擾修葉
成行布綺錢而增媚列錦石以疏芳茗粥沃而膏潤
油檀蘸而恐傷去巖幽之岑寂來寫目于君堂樓陰
散暑池彩迴涼暖香風于珠幔嫺幽質于瑤房及夫
日下窗梧風低軒柳倦理羅紈未淹杯酒下曲閣而
蕩思步修欄而垂手愛青二之入佩憐非二之襲衣
屢縈環于纖指長延玩于遙帷香來輕重影度參差
舉羅袖而淺摘綴羽釵而半垂付雲崖之微種得移
根于玉池雖荷君之擘採恐零落之無時愧未植于

當門亦何勞于翦伐傷騰予之文魚就推芳之鳴鵲
律中商而欲淒霜資寒而增冽條摧曉霰色瘁秋風
將隨蕭艾孰辨芳叢嗟國香之萎絕竟莫異于孤蓬
雖委根于中路尙延憶于珠宮于是逃虛處士聞而
嘆曰秋蘭榮何晚憔悴委嚴霜新翠已無色故畹尙
餘芳早知青女能相負悔不長垂湘水旁

萍賦

步修渠兮俯澄波而游目覽蘋萍之微植兮亦寄身
于水屬體汎汎而靡托兮色田田而自縉同石髮之
鬢影兮謝澤芝之靈躡爾其幽茂湍中澄羅水側漠
兮鱗被菱兮雲織表沉淫兮翠鮮裏參差兮紫飾敷

細葉而無根吐纖滋而成實巧憑浪以縈盈輕從風
而疎密小圓文于莢錢混微姿于蟬翼三輔善其色
青五月傳其華白羌聚散而無心乃沈浮而有適彌
漫如拭駘蕩還來染金塘之細草雜瓊岸之輕苔垂
纖綸而半捲泳修鱗而乍開或值隈而斯滯或觸物
而遭迴惟飄踪之若此亦何心之可猜若夫灌木紅
泉幽篁玄澗餘霞始收光風未轉息細響于潺湲靜
文漪于凌亂遂冒渚而烟稠爰藻川而雲蔓匝碧羽
之叢二點細羅之片二天夫烟生極浦日黯長河屏
翳增扇水裔化梭雨憑三而激水風騷三而送波川
無愁鱗林驛靜柯乃競糾于渤澥共紛擾于盤渦錦

殘碧荇雪亂青莎嗟質輕而易蕩委鯨濤而謂何復
有白鵝翔羣紫鴛撥侶頰鬣紅衣翠綉繡羽下斷岸
之春陰汎方塘之曉霧競戲廣而灑珠並浮深而浴
素牽藻差池唼流顧慕圓吭啄兮碧分修領刷兮綠
破至如秣陵秋瀨橫塘夜川綠菱始發紅藻乍鮮遶
紫房而爭布縈縹幹而駢田逢姣姬之倚機值妖童
之採蓮沾碎綠于皓腕亂浮青于綺船龍文動兮開
且合羅衣拂兮斷復連至其措形空水之湄散跡荒
江之表任漂寄其何之還雍容以自矯乏纖莖以自
持歎孤生之易擾似逐臣之去國同遷客之辭家漫
銜悲于故壤空騁目于浮查萍托水而靡寧士遠時

而失據嗟人物之異心胡悲歡之同遇睹斯草之所
如徒慷慨于予慕彼夫菜美崑丘血變淮南流長劍
之耿二美雲鬢之鬟二乃好奇之殊觀非幽人之所
觀與汀葭而並瘁共池荷而詎慙雖未馨于君廟終
呈潔于幽潭

長白山賦

并序

長白山者蓋東方之喬嶽也晉臣袁宏有言曰
東方萬物之所始山嶽神靈之所宅我

國家肇基震域誕撫

乾圖 景歷萬年鴻規四表則茲山者所以昭
應

皇輿合祥

帝室與有巢之石樓少典之軒臺同焜耀于方載者也

皇上聖文臨宇神武膺符慶洽人祇化隆海嶽仰

欽

祖德報禮神丘爰

詔侍臣致崇禋秩牲璧儷於羣望懷柔及於百神瑞檢雲陳穹壇星麗煌煌乎

聖世之盛儀埒虞崇而軼漢祀矣夫南山薦馨班固以小臣作頌西嶽展禮杜甫以布衣獻賦草莽微臣竊附斯義乃作賦曰

倚茲山之峻極眇羣嶽而獨尊體青瑀以出震標皓
靈而燭坤揭龍荒而作鎮頰鵬溟以爲門參二儀兮
永峙表三成兮莫倫徒觀其大勢也則截薛嵒崑穹
隆嵒峽窈邈嶙峋壇漫莽買迴漠漠以橫被岷嶢二
而極上岨遼碣暖朔孺輪扼婁睨朝鮮亘喬基于千
里造曾椒于九天赫兮無儔峭兮迴拔嶺輪糾以爭
互巖歸巘而相峴峰千仞兮竊曜壁萬尋兮瓊潔蠶
騁險兮橫霧詵負高兮端霓五結切洵東極之神隄詎
西崑之可埒爾乃循覽四麓攷其周綴爰有黑松巨
林𦵏蔓黝邃狃天有極縈地靡際旣墮坂而連延亦
籠山而摧摧根欒危以鱗羅葉綻獵而羽翳翠葦含

蹊以鬱翳攢柯冒霧而叢倚霄今沈二壑今默二歛

陰火于空心蹙陽波于槎蘖叶直到叶祥乍頓道而歆卧忽

摧慙而側植史切信亥步之未跡知禹桀之莫暨山

麓至半山皆黑松林亘三百餘里不見日月樹根相糾如網地皆深潭馬行七日乃畢于是黛

凝複嶂烟瞑虛嵐森梢咀互埤壘嶭昂景掩暝兮罕

曜途淫湫兮增湍市層陰于遙巘髮荒徑于修巒杳

慌罔兮晝含暮儵寥窈兮夏凝寒其中乃有黑鵬青

鷁蒼鷹素鵠咬鵠碧鷁迅鷁俊鵠風騰猛腦霜披勁

翮唳吭軻輶奮翰獼獼或命儔于杪顛或接巢于枝

格隣金眸兮高睇厲青骸兮下擊緇采頰輝殊材異

質喧聒相驚淙躍自鴛鼓背距以增響翬羽毛而成

積極翔群之詭錯咸沸卉而斯集若夫酣騰之儔昆
駢之屬伏翹長嘯豪狶振于麝麇昏眊於積岨熊彪
睽眊于叢木豺獭斷之以猛噬研縱驚透而紛逐般
首勁角圓題從目昏嗥晨响風馳雷蹴慄林振聳殷
巖駘谷至乃青颺黃颺華貂文豹挺修毫之溫潤含
雕采之煒烈豆目腸睽麥髯狎獵棲迹曾氷冒蹤盛
雪竄木末而騰越穴巖窠而競捷羗托體于寒陬疇
効珍於華闕伊奇類之夥够嗟難得而殫說爾乃林
徑欲窮迄蹊半墳轉千盤而漸高出九折而逾礙紆
蹇產竦嶒嶒嶒修渚響湍瀨縈濯龍之滄淵欲納鶯
之雙派水名濯龍沽大二河殷雷地底倒景天外駭河流

之凌薄劃巖垌而旬磻棧鬱盤于迴溪路屢屨于巉
峴澗凝空兮誰涉崖踐虛兮儼對于是豁開直裂喘
嶠如憑抗術阡于鳥際超軌躅于雲層邈牛漢以上
躋軼隆巔而究升周步山極肆目巖陁曠若砥原坦
若廣庭纖條不竦殊榛罕莖寒蕪莽二石道冥二何
曾峻外峙而唐壇內平山頂極平坦無樹木惟荒
烟蔓草滿目縱橫而已爾
乃羣巒結瑤以峻起千巖削玉以攢立頽砭含皓以
堦垣崢嶸繚素而叢葉造五色以相煥綿百里而環
嶽類瑤臺之偃蹇宛瓊山之崩劣石崖高七十丈白
如瓊玉四環山頂
廣袤八十餘里仰重霄兮可捫俯下方兮無極互陰晴于膚
寸攬星辰于盈尺伏岑敷而返眺訝雷雨之下黑爰

有千齡之水太始之雪嵌空峭窅并凌摩岳六尺磴

二表丈牒二迎素秋而競飛涉朱炎而自冽嶰嶰森

婁以月鑒峽嶠嶠晃而鏡徹乍消長于新故疇單究

其融結紛銜耀兮遠映何吹律兮可熱

從山趾至顛高二百里其

上水雪叢積
歷夏不消

爾其混同之本鴨綠之源鈺爲神池以

宅乎其間

池在山之極頂形如豕腎縱餘五里橫八

流至朝鮮爲鴨綠江一統
志云池廣八十里者謬也

曾瀾廣濶靈液淪漣振以

曲碕之巉崿綵以襄岸之駢田含靚如拭積明若空

乍風披以漱灑倏霞蒸而潰漉盤翠啓鯨湍之徑躡

雲構鮫人之宮爾乃疏隘陞穴厥磴跳潛沫駭奔湫

汨漬阿而濶瀑雪砭巖而頽溶徂南驟北趨浥聚猱

清靈源于千頃瀟神委于三江

川姑

若其嵯竇之所

潛演穹廬之所復激灌似碓投洞若機疾並騰傾而

灑珠遂奔揚而綴璧羣流既渫四派乃馳瀧潏崇岑

喧逐峻岐颯沓雨集澈冽烟霏挂流曾碧之表淪波

空翠之隈倒銀潢而半瀉矯皓蜺而迴飛

四月蜀池水及石罅

凍泉先關其所出之水凡四派穿白石崖而下挂流百丈聲若驚雷

于是澹泞安翔蜃

蟪四會滌二混濤澎湃二振瀨抑魚龍之餘怒集大坻

而爲滙潏兮永指晶兮徐邁出乎松花之限注乎鳥

龍之外

四派之水至施墨施呀庫滙爲一流以入于松花兀喇

所以宣天綱之

含布壯朔野之襟帶若攷其瓌奇之所窟宅珍瑋之

所景彰則夜珠流照于素波賴玉攄采于青岡人獲

抗莖于假陰良楮挺竒于松陽

人參生于假樹之陰石崖外松林極日其

間環生楮矢卽肅慎氏矢也

靈趾駢螭而容與羽人撫鶴而棲翔

畢山經以撰異莫茲嶽之靈長

相傳其上有仙靈往來擅射麋鹿者卽雲

霧迹徑

至其出納望曦懷江雲霧苞陰陽以靈秘通元

漠而神護小衆山於塋敦眇七表於指顧嶠欽則千
帀未殫縹碧則萬重紛聚頓挺拔之地軸俛嵯峨之
天柱故能上當辰曜仰禪

帝居抗基卓犖翔勢扶輿踞蒼門而表神宅並青岱而
闢仙閭赫彤雲之豎聚焯紫氣之晨敷孕造夏之玉
宇識臨代之寶符啓潛躍於

聖祖臻景鑠於

皇圖藏瑤牒兮可娛涌金精兮詎誣瑞我

清兮億載永作固兮不渝

竹賦

并序童
子時作

閒遊別墅見有竹數竿臨池獨秀而托根荒徑
延賞無人僕感幽質之飄搖憐貞姿之蕪沒乃
設爲子桓季重之事以諷其詞曰

魏太子從容多暇言遊西園御華轂靡朱軒馳武賁
于先路托文學于後轅爾乃遡惠風而揚葭承清雲
而轉旆度蘅薄之邐迥指蘭唐之如帶于時池臺綺
合帷幙珠連珍卉被麗脩竹嬋娟繞亭臯而陰景夾
曾閣而垂鮮太子乃感湘流之怨歌撫楚潭之逸曲

顧賓郁而長懷招季重而進牘季重于是跼而稱曰
臣聞坤靈誕育庶族繁生見纂笏于幽記表質簪于
祕經結根水滢晞幹山岑抱偃蹇之姱節含萋萋之
幽心出炎洲而獨立臨江介而流音織桃枝之珍簞
傳雲母之怪琛仙人掃陽嶼之石烟客擅羅山之金
乍成船于百丈或如甕于十尋徒觀其黛色參差翠
筠筠窈窕延華月而玲瓏翳流雲而天矯散空碧于玄
輝下浮青于綺沼旖旎無定嬈媚自持苞新潤粉籜
細含滋積雪霏兮冬蒨繁景麗兮春遲若其抗莖公
子之庭列植佳人之室上冷二兮削成下離一兮如
織于是未下歲蕤初舒屈戌瓊鉤卷兮臨花綺疏空

今停日見繡簫之森梢對縹枝之乍密輕颺肅兮結
玄陰暮雨封兮疎翠滴復如幽茂山椒宗生烟路俯
碧澗之陰岑交蒼厓之紆互涼葉棲霜脩篁承露鎖
岫靄于冬春嘯清援于朝暮紫花落兮無人素筇抽
兮誰護結海山之珠實青鳥空來拂江南之石盤洞
簫時悞若乃曲臺依夕景晃明羅白露警鶴素月驚
鳥寫薄霧于緇簪曳輕烟于綠柯爾乃影亂珠恩聲
傳翠幌橫瓊砌而增涼拂金鋪而助響秋徑夕兮倚
靡寒塘靜兮蕭朗至其蒼々延秀飄々蕩姿泛微霜
于曉葉聽歸風于夜枝起騷人之獨感動山客之相
思是以質謝暄妍氣分秋朔笑十蘭之徒芳悲三秀

之易落送短羽之羣棲望長離之永托雖移根于玉
階終寄心于雲壑太子于是綢繆浩唱諷采妍辭披
廣殿俯華池出絳樹之雙曲進翠羽之交卮命吳生
于密譙長接席而不違

陶彭澤無絃琴賦

并序

山右吳公來蒞茲土春流飲馬還投瀨上之錢
曉閣觀魚早辨沙中之獄訟庭雀下官舍松清
豈獨北地豪家毀茲東樹遂使西川女子棄彼
芙蓉况復從容多暇儒雅怡心吳季重之在元
城無妨文墨潘黃門之居懷縣不廢詩歌追五
柳之高風撫一彈之遺操爰進童子用賦斯篇

愧非園令之工敢薦正平之作其辭曰

伊有晉之徵士永埋炤乎柴桑緬長沙之遺烈追義
熙而自傷歛鸞翮以早棲逝鴻羽以高驤遡清風而
獨遠鬱明霞而不揚顧素琴兮興感意飄飄而自昂
爾琴之爲質也則龍門飛霞之枝馬嶺崩霜之幹托
瓊巘而孤生據丹岑而絕漢含繞梁之清哇蘊號鐘
之哀散爰有離子之徒王爾之儔循山獨採越壑相
求剖陰莖以薦法剪陽柯以雕鏤采茲良質制爲雅
琴以獻君子其聲悒悒豈知六朝逸侶五柳高人悼
廣陵之永絕嘆田連之不存棄八蠶而莫御屏獨繭
之橫陳于是淶水空傳流風徒結旣收逸響誰聽嚴

節輟繁響于飛龍斷游絃于明月逍遙空撫容與自
怡五色神蛾不綵仙人之繭一雙春燕長辭愁女之
絲荀季和之鳳凰空含玉軫李司隸之孔雀謾飾金
徽信無聲而有意何至音之可悲若夫流鶯始飛條
風乍起芳林結陰微波成綺爾乃巾白袷攜烏几命
遠公于匡山嘯宗生于江沚拊茲琴兮娛心豈操暢
今睦耳復如東臯晚晚北戶迎秋黃花夕秀白露晨
流荊州唱野鷹之曲玉關寄旅雁之愁于是倚杖徘徊
臨流顧步見離獸之東南睇歸雲之不度悲哀彈
于霜林感遺操乎秋路抱空質而長歸收衆音于泰
素豈如荆玉曲裏珠桂淒涼趙后宮中玉螭隱互已

哉乃爲歌曰春風澹蕩春水深思君不見多悲心應
知陶令遺徽在栗里風流自古今

秋笳集卷二

吳江吳兆騫漢槎著

詩一

曉發撫寧題逆旅壁

山海關

關上留別潘守戎

出關

榆關老翁行

次前衛

同諸公登中後所戍樓

錦州道中登海邊舊

保障臺上有傳烽桔槔

塔山道中望海二十韻

廣寧道中作

登廣寧城望城外佛舍因同諸公却過

沙河道中

次沙河砦

瀋陽旅舍賦示陳子長

贈赤公

同陳子長坐氍毹帳中話吳門舊遊愴然作歌

同陳子長夜飲卽席作歌

將發瀋陽過子長飲愴然有作

撫順別孫赤厓劉逸民 發年馬留別瀋陽諸

子

贈海南曾生

曉起

城樓曉望

過朝鷄屯

夜宿陰溝關有懷子

長

陰溝關

高麗營

五日阻水年馬河

贈陳心簡

四道嶺

黑兒遼河眺望

早發尼失哈

次了深河水漲不得渡賦呈方樓岡

七夕次喇伐朶洪

喇伐道中

小烏稽

大烏稽

交河山中夜行

過烏孫法覽

北風

雨雪

遼邏晚望

海邊獨眺

贈吳穉恭散騎

徑僻

曉雁

趙宮舊姬

沙林道夜行聞鶴

對月

北渚望月

空城中見棲鳥感而

成咏

寄懷陳子長

寒食大雪

可汗河曉望

曉坐

同德惟及門人陳昭

令遊北山

卞生過飲

夜行

沙嶺晚歸

過灰扒廢城

庚子至日書懷三十

韻

賦得春風和方邵村

作

送人之渾蠡

校獵卽事

憶舊書情寄陳子長

一百韻

見離燕

書壁

辛丑七夕

過恭順侯吳公寓齋奉贈

贈故太常樂工申叟

人日過錢子

送巴參領

曷木迢邏曉發

送阿佐領奉使黑斤

許康侯總戎招飲城

東江上

阿波道中同姚琢之

馬上作

曉自沙嶺至馬耳河

七夕陪諸將飲

贈舊參領穆君

送人西行

沙嶺作

同諸公飲城東水次分韻得春字

海郎山靈湫神女歌

帳中夜坐

謝子長見懷之作二首

贈人

送人從軍

上巳同錢德維姚琢

之飲江上

席上賦得吳郡

宮怨

七夕

過琢之齋

九月八日作

九日白木丹山歸過淨公蘭若

九月十六夜之密將訪馮侍御炳文

春草園林圖歌贈友

元旦

贈色君

祁奕喜初至留飲

木參領還自西域賦贈

三山道士工馬便射

賦此贈之

送薩參領

贈張侍郎坦公次姚琢之韻

東錢子方叔

贈少年

贈吳興錢虞仲

早秋陪諸公遊密將

山

送人

寄懷陳子長

寄懷孫赤崖

送人之梭龍

春夜歸自西郊不寐

閩顧華峯舊所寄札

詠張侍郎齋前小松

送薩參領入都

贈人

瓜兒卽屯值雨晚過邨叟家宿卽事書寄孫赤

崖陳子長五十韻

宿混同江明日立秋

秋山觀姬人採花

送友人

重陽夜送人西行

九月十日雨雪達暮

寄琢之

秋笳集卷二

吳江吳兆騫漢槎氏著

曉發撫寧題逆旅壁

長宵鼓角度嚴風，決瀋烽樓曙色通。
客夢五更驚櫓馬，征途三月逐歸鴻。
斷雲城堞臨邊迥，殘雪關山映海空。
莫道盧龍猶在眼，異時南望是遼東。

山海關

迴合千峰起塞垣，漢家曾此限中原。
城臨遼海雄南部，地枕燕山控北門。
寂莫雞鳴今鎖鑰，淒涼龍戰昔乾坤。
高臺誰憶中山業，遠目蒼蒼白草昏。

關上留別潘守戎

代方詹事作

塞天萬里送征鞍，意氣逢君欲別難。
俠客軍中傾瀝血，故人門下識任安。
望鄉臺迥邊雲斷，姜女祠空海氣寒。
明發驪駒分手後，榆關風雪竟南看。

出關

邊樓回首削嶙峋，簞策喧喧驛騎塵。
敢望餘生還故國，獨憐多難累衰親。
雲陰不散黃龍雪，柳色初開紫塞春。
姜女石前頻駐馬，傍關猶是漢家人。
關前有姜女望夫石

榆關老翁行

榆關凋樓臨大衢，征人日暮行駐車。
鹿裘老翁髣髴成雪，夾轂相逢問里閭。
乍聞吳語三太息，坐我樓頭話疇昔。
自云家世本吳中，住近張王舊宮側。
少年追逐

冶遊場破產徵歌意無惜沙家槍稍冠江南學得梨
花推第一技成好作關河遊販綰幾度來邊州燕姬
十五芙蓉色彈箏夜夜酣高樓一曲紅綃醉中擲囊
空典却千金裘三載邊庭履霜露飄搖褐褐誰相顧
途窮不忍到鄉關却回軍中應征募金羈翠牝繡螭
弧名隸渡遼第三部關前上將霍將軍遣向松山守
烽住孤城接鬪無時休鐵甲中宵帶冰卧老邊牆直
長城隈梯衝百道如山來寧前列屯晝城閉旌旗黯
慘紛黃埃雄邊健兒十三萬鼓聲欲死弓難開磧西
降丁最翹健日暮分營夜催戰吁嗟萬騎無人回射
盡平州鐵絲箭曙光曛曛海生綠戰血無聲注空谷

嚴霜如刀箭如蝟欲上戎鞍淚交續堅城既墮將軍
降幾部殘兵向南哭相隨散卒臨渝城橫刀更隸龍
驤營鯨忽長安易朝市關門不用防秋兵從此飄零
脫軍伍種豆鋤葵學農圃且將衰齒托雞豚幸免微
軀飼豺虎昨有客來燕京傳道江南亦被兵故國
他鄉盡荆棘窮黎何處還聊生伊昔姑蘇城畔住門
前小店臨江樹半生羈戍塞垣秋夢斷吳關舊行處
今日逢君遼水北被褐驅車欲安適白頭邊語久侏
僂重聽鄉音涕橫臆悽惶嶺外北風哀莽二邊沙路
何極沽酒邀君二莫辭天涯相見且相悲莫嫌憔悴
窮邊叟猶是吳趨市上兒

悽惶嶺在關外三
里旁有姜女石

次前衛

落日莽茫嚴城列雉長地形環漢塞山色接遼陽
風勁沙恆響春餘草乍芳關門今不戰萬里盡耕桑
同諸公登中後所戍樓

若爲荒戍駐征輶縱目烽樓埜色遙萬里川原述大
漠百年亭堠識前朝平沙暮捲山頭樹落日晴翻海
上潮倚堞却尋南首路漢關迢遞已雲霄

錦州道中登海邊舊保障臺上有傳烽桔槔
塞門東盡海天開百戰猶存保障臺偃革十年閒斥
候傳烽當日報蓬萊龍山燒色連沙起皮島濤聲蹴
岬迴却望元戎開幕處斷垣零落使人哀

塔山道中望海二十韻

馮高臨渤海披遠瞰瀛壖浩浩雄東極茫茫控北邊
潮迴雲島失浪蹴雪山連空外應無地波中或有天
稍分玄菟郡莫辨白狼川洄洑連星拆盤渦倒日懸
分萬里宇宙失千年樹隔扶桑近津回析木偏
翳空鵬展翮吹滂蜃飛涎縹緲奄梁客虛無鹿嶠仙
淚綃憐女織驅石想神鞭杳映陽霞紫昏明陰火玄
魚雲晴作市蚌月夜揚鮮萬象應難測孤踪任所牽
萍漂何倚托梗斷孰延緣征客槎空度冤禽水漫填
欲沈徐衍石難泛管寧船鄉國思漁釣關山愧播遷
金支寧可賂玉珮竟誰捐心共滔滔水東流去眇然

廣寧道中作

巫閭千嶂削芙蓉走馬東來翠幾重殘碣久迷遼日

月

遼東月王居此

毀垣猶記漢提封射鵬舊俗爭馳獵買

犢新田早事農共道廣輪今一統朔雲十載罷傳烽

登廣寧城望城外佛舍因同諸公却過

徙倚城頭極望長雙林鐘磬遠微茫淒涼古塞還僧
寺寂莫前朝只戰場金井有基春草綠石幢無字夕
陽黃却憐負羽邊庭客重過禪扉意倍傷

沙河道中

渡遼幕府已彫殘傍海山川尚鬱盤攻守十年誇保
塞廢興一代問登壇營空鷺鶴青燐泣塚失麒麟白

草寒露祭獨憐遺老在秋風磧路哭戎鞍

次沙河砦

客程殊未已復此駐行裝世事憐今日人情怯異鄉
月臨邊草白天入海雲黃莫恨關山遠來朝是樂浪
潯陽旅舍賦示陳子長

西風城畔夜烏哀積雨荒庭黯不開匝地關山千里
去極天遼海一身來文如劉峻終無命憤到嵇康始
悔才舊業凋殘歸未得望鄉何處更登臺

贈赤公

憐君杖錫欲何依寂寂花宮一磬微欲使邊城傳白
拂却教漢法到緇衣燈然鹿苑諸天靜杯渡狼河雜

部歸知是隨緣無遠近不將遷謫擾清機

蒙姑人多

同陳子長坐氍毹中話吳門舊遊愴然作歌

遼城四月春風來黃鸝啼樹梨花開陳生邀我郭南
去笑騎鞍馬雙徘徊沙場黯黯日將暮半醉歸來解
鞍回氍毹誰撥鷓鴣雞絃彈作商聲淚交墮憶昨故鄉
百不憂命儔嘯侶吳趨遊裁詩每題白團扇縱酒欲
賭青羔裘沙棠之漿雲母舟美人玉袖撈箜篌金窓
銀燭月未午清歌窈窕無時休就中少年三五輩徐
郎顧子稱風流獨孤側帽傾士女正平搖筆凌王侯
百年行樂竟誰在淒涼邊地傷離愁只今相對休慙
快人生苦樂猶迴掌隴西將軍國醉尉邯鄲才人辱

斯養古來憔悴多名流吾輩何悲棄
榛莽君纔弱冠我盛年可憐淪落俱
永天舊遊一別已如雨陰關萬里
徒含烟寄哀欲托庾信賦賞音空
憶鍾期絃金樽有酒且沈醉何須惆
悵風塵前

同陳子長夜飲卽席作歌

豪氣君未除長嘯輕遠遊雖爲遠海客
不識邊城愁青絲玉壺銀鑿落中宵
坐我碧油幕海風吹天星動搖邊色
橫烟月澄廓倚笛頻驚出塞聲銜杯
尙擬華年樂黃龍東望沙茫二黑林
樹色參天長此行應痛永乖別他昔
相憶徒慨慷愛君且復飲君酒庭樹
搖搖挂珠斗夢去難攀鶴市花醉來
聊折龍城柳眼中

萬事盡飄蓬爾我安能日攜手故園何處五湖濱
難後逢君意轉親誰憐玄菟城頭月泣盡黃公壚畔人
將發潘中過子長飲愴然有作

日暮離心共黯然相看涕泗酒杯前最憐去住逢今
夕轉憶情親是昨年地入烏龍雲接海人過玄菟雪
爲天與君萬里同羈戍無那孤蓬更極邊

撫順別孫赤厓劉逸民

邊程不可駐杯酒暫相親共此羈孤地還成去住身
中宵遡海月萬里塞垣春明發單車別誰憐絕域人
發年馬留別瀋陽諸子

辭君更東去回首見重邊塞盡秦時地山開徼外天

長歌哀午夜遠謫痛丁年縱有高秋雁蒼茫信豈傳

贈海南曾生

憐君從役罷登臨鄉思猶傳越客吟
皂帽塵生人未返青山霜落歲將陰
玉關征戍悲蘆管珠浦音書怨
藁砧我亦有家江水上十年同恨塞垣深

曉起

初寒山畔尚餘花早起江頭未落霞
秋草郊原聞牧馬曉雲睥睨度吹笳
書傳錦字三年淚路繞銀河萬
里槎襁褓敝裘歸未得幾回彈鋏歎無家

城樓曉望

啞二鳥啼起戍樓揭來登望思堪愁
山橫雁磧皆東

下江劃龍荒盡北流金甲日凝千帳曉
旗風急六臺秋征夫絕塞踪難定腸斷尊前玉腕騶

過朝雞屯

連宵宿年馬今日過朝雞風壤行逾變雲山望欲迷
沙虛留虎跡樹暗聽烏啼回眺懸鞍處迢迢隔嶺西
夜宿陰溝關有懷子長

信宿陰關戍悠悠旅夜徂春聲過磧冷月色到邊孤
離夢還高枕餘生且客途蒼茫睥睨外不忍聽啼鳥
陰溝關

重山千仞疊晴空列柵當崖鎖鎗雄牙帳別開龍磧
外岩疆更抱莧城東數家烟火黃雲暮一片牛羊白

草風去去敢傷荒
微遠遼陽今已是關中

高麗營

唐太宗東征舊蹟

文皇昔日征遼海
此地高麗亦駐兵
想像六軍頻血戰
蒼茫異代尚殘營
黃雲磧斷行人少
白骨原空蔓草平
日暮江流風雨外
滔滔二東去不勝情

五日阻水年馬河

五日驅車度極邊
中宵移帳阻長川
波間不斷千峯雨
林上爭喧七澗泉
鐵騎風沙行戍日
錦帆絲管舊遊年
汨羅猶是江南地
始覺靈均未可憐

贈陳心簡

故漢陽相公子也

白袷翩翩二馬上
逢襟期憐爾尚雍容
王章有子稱遷

客李燮無家托酒傭夢裏白門人萬里愁中玄塞嶂
千重月高毳帳悲歌發醉攬邊笳對雪峯

四道嶺

懸流溪百折東嶺樹千盤不度重關外寧知此路難
沙聲連雨急嵐氣逼雲寒日暮愁征旅前岡且駐鞍
黑兒迺河眺望

長河渺難涉歇馬暫躊躇地隔三韓外人看萬死餘
沙陰低遠暮草色上征車竄逐前賢事飄蓬愧未如
早發尼失哈

繞帳笳聲促夜裝明星欲落霧蒼蒼二征途咫尺迷孤
嶂殘夢依稀認故鄉雪盡龍山三伏雨風嚴雁磧五

更霜據鞍却望黃沙外此地由來百戰場

次了深河水漲不得渡賦呈方樓岡

兼葭一水霧初收欲濟蒼茫少客舟樹合雙崖迷塞路雨添千澗引河流蕭條甌脫秋先到嗚咽琵琶暮起愁總是播遷京國外不妨此地更淹留

七夕次喇代朶洪

駐馬平蕪外徘徊旅思長河流秋森二邊色夜荒二
畫角千峯月羊裘七夕霜世途吾拙甚不敢望銀潢

喇伐道中作

平明吹角起征鴻又逐戎鞍遡朔風秋草關山人獨
去寒衣鄉國信誰通龍沙迴出三邊外鳥道斜懸萬

嶺中千載主恩良不薄崔駟竄處是遼東

小烏稽

卽前史所稱黑松林也

連峯如黛逐人來一到頻驚暝色催壞道沙喧天外
雨崩崖石走地中雷千年冰雪晴還濕萬木雲霾午
未開明發前林更巉絕側身修坂倍生哀

大烏稽

朝辭石棧亂雲巔暮宿蒼林萬仞前灌木帶天餘百
里崩榛匝地自千年棲冰貂鼠驚頻落蟄樹熊羆穩
獨懸聞道隨刊神禹績崎嶇曾未到窮邊

交河山中夜行

晨征宵未已側足此山臯秋過交河盛星當大磧高

邊程依草木旅食寄弓刀萬慮沙場裏驅車敢告勞

過烏孫法噦

木石盡累云雷火所燒

曉樹深欹窅秋峰峻入天尙遺燒劫火莫辨赭山年
霧積梯崖仄風驚棧石懸挽車縈九折歷盡轉悽然

北風

馬上北風哀黃雲慘不開寒摧龍磧斷聲捲鴈沙來
驛騎衣空寄嫖姚戰未回何人吹簞築淚盡落鵬臺

雨雪

際海塞沙平連峯朔雪驚三秋龍磧度萬里雁山營
甲冷朝逾響笳寒夜不鳴兼裘猶恐薄愁殺寄衣情

遼羅睨望

寒原渺無極十里帶蒼山落日雙鵬外秋風萬馬間
滄洲何暇泛屬國幾時還惆悵渝河水悠悠隔漢關
海邊獨眺

海色莽無際馮高望沈寥九霄迷積氣萬象變靈潮
神蹟傳分鳳仙期想射鯨銀臺如可見烟駕欲相邀

贈吳穉恭散騎

故恭順侯勳衛

白頭吳叟何龍鍾先朝曾直華清宮十年喪亂無人
識萬里羈孤泣路窮憶昨西京全盛日子侯年少承
殊澤門下金鞍慣射生樓中銀管頻留客油戟香輪
陌上驕佩刀日護紫宸朝從獵別分都尉馬奉車特
賜侍中貂山河舉目須臾異荊棘淒涼舊東第仙人

已歎海生塵侯家寧保山如礪幾度天涯怨負薪蕭
條絕塞詎逢春夢裏宮雲雕輦路愁中邊草玉關人
玉關回首傷懷抱短衣濁酒長潦倒雀滿門前翟氏
悲年歸隴上蘇卿老日暮哀笳四野聞黃榆秋雪正
紛二馮高欲縱鄉關目腸斷南歸雁幾羣

徑僻

徑僻人過少山空鳥度稀亂沙寒不起急雪暮頻飛
獨對他鄉酒猶披昨歲衣故山揚子外漂泊未成歸

曉雁

決泝汀洲曙征鴻帶月飛霜淒聲自切風急陣偏稀
顧影愁輕繳翔空惜羽衣方塘春水淥與爾共言歸

趙宮舊姬

一從丹闕火不復奉深宮細馬經邊雪修蛾怨朔風
玉門何日返翠輦舊時同腸斷溫明殿飄零白露中
沙林道夜行聞鶴

空外臯禽度沙邊倦客行那知遙夜唳偏恨獨遊情
影落霜岑遠聲傳月淑清憐君霄漢侶何事入遼城
對月

暉二明月迴遙吐雪山岑一片嬋娟影千秋離別心
寒生青桂落光入絳河沉惆悵沙場外蒼然霜露深
北渚望月

徘徊臨北渚永夜月華寒顧兔飛難定金波瀉欲殘

風微頻泛灩浪細不成團惆悵佳人遠含情只獨看
空城中見樓鳥感而成詠

落日空城裏無人鳥獨棲幸逃緘繳募得任別枝啼
命子聲偏急梳翎影乍低微軀慚鳳族不敢向金閨
寄懷陳子長

檀帳風連曙長河雪過春一年頻卧疾萬里獨懷人
世事文章賤交情患難真茫茫窮寒外愁記別離辰
寒食大雪

寒食邊庭雪嚴陰鬱未開遙憐戰場柳春色幾時來
客淚沾笳吹鄉心托酒杯鶯花何處好萬里夢吳臺
可汗河曉望

長河決漭抱孤城，河渚蒼蒼牧馬鳴。
旌旆曉迷鴉嶺色，風濤春走雁沙聲。
近邊亭障千年蹟，出塞星霜萬里情。
騎戍白關軍國計，敢將筋力怨長征。

曉坐

碣戶寂無侶，淒淒露尚垂。
樓空秋氣早，林密曉光遲。
蕪沒人三徑，蕭條海一涯。
此鄉弓馬地，抱簡日低眉。

同德惟及門人陳昭令遊北山

積黛紛岩岫，招尋興未窮。
溪聲連暮急，林色帶烟空。
書閣邊烽外，秋生旅望中。
自憐淹謫戍，俛仰愧墻東。

卞生過飲

吳門人

相見添新髻，相悲話故鄉。
那堪逢晏歲，俱是客殊方。

桐酒荒臺月征衣大漠霜風波滿眼淚對爾益增傷

夜行

驚沙莽二颼風颼赤燒連天夜氣遙雪嶺三更人尚
獵冰河四月凍初消客同屬國思傳雁地是陰山學
射鵬忽憶吳趨歌吹地楊花樓閣玉驄驕

沙嶺晚歸

寒溪不可涉驅馬出平沙半磧餘秋燒千山只暮笳
驚心烽火急回首塞垣賒終歲愁奔命何勞問海查
過灰扒廢城

大漠何王國行人此日來雄圖一戰盡廢址百年哀
魚鳥空橫草麒麟已沒苔松聲悲舊壘水氣冷荒臺

伊昔龍庭日曾傳狼蘆開勢窺東海盛部繞北關廻
候月凋弓勁乘冰鐵騎催兩雄方齟齬雜種遂紛猜
爨比徵祠祭勲期闢草萊旌飛沙浩二鼓合雪皚二
大敵全師會孤城力鬪推兵聲殘白草戰哭聚黃埃
韓近秦先舉虞亡誓始恢尙傳京觀在誰嘆癯蠡灰
阨塞形空設興衰恨莫裁依稀營畔柳惆悵笛中梅
叢棘朝晞露崩沙晚沸雷撫塵心佐饗覽跡思徘徊
地遠何人弔程遙我馬隤淒涼懷古意秋角滿長咳

庚子至日書懷三十韻

舊國歸難定他鄉節又遷歲時仍玉瑄雲物自冰天
漫喜微陽復徒傷往慮牽星行方轉次灰死欲重然

浪迹龍堆外回腸鯉對年重闢時問寢諸弟日隨肩
宴笑潘輿樂懽娛萊袖鮮舉觴南至日獻襪北堂筵
座擁緹帷燭歌清玉柱絃土風遺赤豆庭誥續青編
節比元正重家欽祖德傳趨承猶記憶門次已顛連
家遠三年別愁深五夜煎寸心徐庶亂百口鄒公憐
意以人誰辨中椒世所捐含悽望鄉國攬涕托旌旛
土室難淹久羶裘失靜便沙崩空磧斷雪霽亂峰懸
尋眺非吳苑生涯且朔邊羈心黃鵠曲歸路白狼川
敢道文章悞翻慚性命全憂羹愁寄食作賦憶歸田
西笑何曾釋南枝只夢旋有懷成十志無處飽三鱸
舊已哀豺遯今猶畏鵠拳物情隨貴賤吾道任迤邐

鍛翮嵇中散依人王仲宣日遲立陸景春隔紫臺烟
客髻將三十親庭渺八千感時何限恨腸斷白華篇

賦得春風和方邵村作

春風日駘蕩遠近徧亭臺傳響鶯先覺紫空柳漸催
暗隨暄氣度時逐薄寒來寧有雄雌異空勞楚客才
送人之渾蠶

沃沮西候遠君去駐旌旄千帳凝邊色孤城壓海濤
雪深車不度風勁角初高報盡平安火誰憐吏士勞
校獵卽事

錦袖臂鷹輕分弓出柳營飛身騎馬足卽手落鵬聲
鼓合風林動圍開雪野平歸來金帳飲一片畫旗明

憶舊書情寄陳子長一百韻

絕域黃龍外長城立蒐邊羈棲仍萬里離別欲三年
天遠浮雲蔽山深積雪偏永懷心莫展延眺目悽然
坐惜佳人渺空驚迴路懸迴腸頻雁帛弔影只雞田
憶昨淹梁獄當時盡漢賢共嗟丞相繫子長尊人素菴先生與子
同絳獨訝謗書傳牘背侵周勃裝賁枉馬援逢君何
磊落向我各潺湲乳贇心長怯鳴雞志不悛潔殮梧
象側贈縞竹囚前贈二臯陶廟煢二貫索躔一言饒
契托十死共述邇撫事惟悲嘯忘形且醉眠非關交
易合直是道能全命酒青觴並催詩絳蠟燃斯人哀
木索俗士笑丹鉛其詫黃門寺翻多白雪篇勢猶居

畫地情凝問高天賦筆摧鸚鵡啼痕灑杜鵑上台終

不曜庶女竟蒙愆已自寬秦格還誰辨楚荃鋤蘭方

侘傺泛梗忽聯翩雁磧嗟俱竄驪歌竟我先

先生與子皆論

謫塞外先生春風都市柳曉日潞河烟南浦難追祖

西曹黯獨煎魂應隨去馬膽尚畏飢鷄屢抱羈人憤

何堪別緒牽棘庭纔判袂蓬轄倏隨肩去國崔亭伯

無家王仲宣幸存餘齒在敢論舊丘捐客望迷山雨

征途亂野鷺風沙橫地合障寒極雲聯白日陰遼海

黃塵度薊孺關春榆莽二邊雪草芊二平郭無停軌

句驪更扣舷相迎珠勒遠

子至藩子長迎子十里

披對赭衣穿

誓喜水天外重看玉樹連含辛談出塞把臂話辭燕

款二低烏帽依二坐馬羈望衡時晤語秉燭日周還
夜席銜金盃晴原簇玉鞭劍歌何激楚酒賦自纏綿
道屈才還大情深骨已鐫久諳行役賤猶得故人憐
仁祖能貽米延之屢乞錢相哀賦窮鳥獨恨咏鳴蟬
方儼長栖並寧知更播遷倚闌心眷二沾軾涕漣漣
笛咽翔鳬曲琴摧去鶴絃晚風淒別幌夜月澹離筵
無復形將影徒傷管與弦柳長空折贈蓬轉任翩翩
歧路嗟何及關山各勉旃無期知此別有約憶同妍
桃館消魂地才堂送客鄜良游應已矣吾道詎終焉
虎口殘魂脫羊腸覆轍駢雨昏江氣白霧宿嶺陰玄
經迴程凡幾投荒路渺千烏稽封灌莽紅鏽遶洄漩

邊人呼水在草中絕壑橫剥虎荒途少衙門雜花垂
如錦者曰紅鋤水絕壑橫剥虎荒途少衙門雜花垂
照短密樹倚山圓靡靡連錢騎犢服轄健未知窮
月窟竟似墜雷淵躋險憑穿屐啼飢想豪僧混同秋
漲急甌脫暮雲驚地接扶桑畔人過槃木嶺銀河橫
左界珠斗直南旋憔悴腸應斷崎嶇病莫痊百程投
所屈萬轉盡迴沿稍喜勞筋息重悲累足胼罪寧當
界虎意敢望憐蛟薙草蕪三詈誅茅得一椽葛公蓬
作雷楚客蕙爲傍家遠安殊俗身貧問治佃浮生原
濩落舉世自嬋娟幾乞泉明食仍殘子敬鹽負薪沙
渺二汲澗溜涓涓籬缺松枝補牆欹柳葉纏故蘘無
白袷廢簾有青編漸覺詩書賤奚嗟習俗儂懷人饒

夢寐就役怯戈鐔欲命攀嵇駕難招訪戴船懸鵝看
短褐烹鯉讀繒箋舊好悽心遠新詩照眼鮮瓊瑤思
友切笙鶴禮真虔子長喻子化云歎非謝凡俗悟心仙道種草期園客
蒸丹下僊伶椒庭應咫尺烟駕本高寒緬邈銀臺藥
虛無玉井蓮鮑焦空憤世郭璞且游仙繫表深遐慕
區中謝廣緣應知能却物誰是未忘筌螭屈賢人隱
龍馴靜者便願言乘氣嶠相見問真詮跡滯愁難達
情乖忿詎蠲盧山春不度青海凍猶堅地脉通噓氣
天心合轉圜未能期汗漫聊復卜筵筭

見離燕

紫燕雙棲好年二綺戶深那知金彈懼相失玉窓陰

覓壘悲新侶銜泥愴故心吳宮舊巢處漂泊豈重尋

書壁

荷索何來此沾衣獨念親最憐今決絕轉羨昔艱辛
出塞愁中路趨庭夢裏身初連明月好難照倚閨人

辛丑七夕

拂廬雨過流華月起視雙星乍明滅塞外頻驚七夕
來閨中應憶三年別寂二深閨白露寒鴛機遙夜綺
羅單空憐樓閣穿針好不識關山行路難

過恭順侯吳公寓齋奉贈

日暮巾車載酒過青簾烏几共婆娑年侵漸覺豪游
少官罷方知醉尉多五國雲山凝旅望九秋水雪怨

羌歌那堪回首淮南郡列帳青油擁玉珂

贈故太常樂工申叟

白首梨園叟曾聞值御筵千官丹陛側百戲翠華前
喪亂悲銅馬飄零泣鉤蟬那堪關塞外重對李龜年
人日過錢子

天畔春生揚子亭經過小騎慰漂零曾無綵勝傳人
日虛儼羊裘是客星遠磧雲陰春漠二孤城雪色海
冥二柏尊相勸還沈飲遷客山來忌獨醒

送巴叅領

蕭三鐵馬嘶萬里出偷溪戰氣隨旌旆邊心入鼓鼙
磧荒青海外驛斷雪山西上將銘功處殘碑待爾題

曷木迤邏曉發

樹杪月猶見城頭角已殘荒途分五國歸騎發三韓
野霧依山盡春星落塞寒鳴鞭及前侶霜露滿孤鞍

途阿佐領奉使黑斤

槽頭征馬鳴將軍欲按塞飛沙咽鼓聲長雲擁旌旆
持檄遙頒五國東揮鞭直歷千山外千山不盡海東
陲黑水兼天磧路逃金環島戶鵬爲屋黑斤人耳與皆綴以金環

其傍海者以鵬羽覆屋

石柵種人魚作衣

爲魚皮

曲棧荒林紛積

阻剝落殘碑昧今古冰雪陰崖青鵝風磨殿亂木黃
沙雨巨鹿岡頭塞北門千家部落若雲屯破羌流盡

征人血好進溫貂報

國恩

老羌屢侵掠黑斤非呀哈諸種寧古歲出大陣

教之康熙三年五月大將軍巴公乘大雪襲被之于烏龍江自是邊患稍息

許康侯總戎招飲城東江上

一石酒新碧四月花始紅陽夏許侯有佳興攜賓日暮城之東縱油小幕披華褥錦袖金鞭照沙山烟郭風微晚樹迷清江水斷春波綠雙魚蹊刺紅肌鮮銅壚作鱸吹芳烟客子欲題鸚鵡武賦主人自奏鴛鴦絃班荆藉草青莎軟雜坐高歌不知晚且看懽笑玉山頽休語風塵銀磧遠酒盡高麗雙翠罍看君俊氣何縱橫半酣忽躍紫駟去落日南岡按海青

阿波道中同姚琢之馬上作

長林亘修坂迢遞抱雲迴半堰雙流入千崕一線開

皂鵬驚古木白豹穴荒臺去二慚關吏鳴鞭意轉哀
曉自沙嶺至馬耳河

海鷗先晨聞城鳥凌旦起浮客心多懷侵星戒徂軌
稍二出烟巒涵二澗川汜蘋末風乍颭蓮房露猶泚
岑翠曳爲霞林光靄初霽望遠恒少悰遊目暫爲美
龍丘徒流歎雁門未雪蹄良游如可期結軫從茲始
七夕陪諸將飲

清夜高城載酒游輕寒初換紫貂裘雕弓夾帳空懸
月玉管登臺早入秋獨向金風嘶戰馬誰從銀漢問
牽牛年二此夕遐荒外腸斷穿針故國樓

贈舊參領穆君

珠勒翩二白，臭駟曾提長劍靖邊沙。酬功未見封龍額，突陣還教隸虎牙。羌笛恨餘青海戍，邊烽愁問玉門遮。畫圖今日誰麟閣，十載軍中只鬢華。

送人西行

風野喧征騎，霜笳引別愁。路分稽洛塞，部入骨都侯。駝帳邊陰暮，龍祠海氣秋。蕭條鹽澤外，日夜水西流。

沙嶺作

陟嶺憑雌望，未窳塞天城。郭暮雲中征人乘障吹羌管，校尉懸旗下朔風。白雪長寒飈，脫裊青山不到挹婁東。從來閭多征戍，未敢沾裳怨轉蓬。

同諸公飲城

春字
平寅夏四
月二十

作日

數峯空翠照江濱江水逶迤繞郭新
草色乍消沙寒雪鶯聲已過故園春
壯心零落還驅馬絕域騎樓且傍人
漫道物華堪歷覽清樽相見莫辭頻

海郎山靈湫神女歌

山頂有公
主臺遺址

海郎山色倚巉岩山半靈湫映曉嵐
公主舊臺餘翠岫神女新祠傍綠潭
神女嬋娟艷瑤彩霏烟曳月迷
年載怨入青蛾憶漢宮魂依白鶴長
遼海含睇凝情不可親乘風颯二如
有人虛無瓊珮空山雨杳渺驚
駭絕島雲和親當日悲登隴遺恨千
秋塵湏洞寶鏡何時別紫閣玉衣無
處尋青冢松花檀葉小祠荒總

帳無人春日長鴉翅髮垂宮樣髻虎章腰結羽人妝
香粉長筵醉芳醕巫女如花下靈語踏霧昔聞石馬
嘶騰波自共水姨舞一曲迎神蘆管愁年二賽火海
東頭望鄉莫更歌黃鶴紅粉魂歸塞雨秋

帳中夜坐

虛帳風初霽長宵露欲侵銀河垂磧外珠斗落峯陰
獨下聞笳淚誰憐擊筑心南鴻飛漸少何處寄歸音

酬于長見懷之作

寒城愁眺寒天分歲暮懷人渺白雲路絕紫關長望
國書來青海尚離羣冰河雁陣霜中斷雪磧鵬聲夜
半聞回首秋風燕市裏酒杯何日更同君

又

館娃宮外石湖頭
桂槩蘭橈儻並游
豈意風塵淹絕塞
獨將花月憶芳洲
龍山雨雪征人淚
鶴澗笙歌故國愁
何日刀環尋舊約
春江作伴逐沙鷗

贈人

瓊帶雕韉馬上飛
白頭憐爾尙輕肥
勲遺左地新傳箭
恩憶前朝舊賜衣
秋雪金河千帳失
寒雲銀磧十年歸
劒鋒用盡創痕在
愁殺松山夜突圍

送人從軍

漢法弛刑徒幽陵
挽強客一朝隸戎行
萬里輕沙磧身賤
功詎論軍孤戰偏
力曉度旌旆寒
夜嚴刁斗急

刁斗聲中起撥弦
混同江水動樓船
十年謫戍頭今白
猶着征衣更出邊

上巳同錢德維姚琢之飲江上

江頭昨日氛埃霽
稊飲相邀出中沚
風景應嗟非故園
年光仍道逢元巳
我家遙隔吳江濱
細柳崇蘭此日新
金羈小苑流杯客
玉袖高樓吹笛人
可憐徙旅天山下
不見春風吹四野
際海冰河見斷鴻
連山雪帳聞嘶馬
宿昔繁華夢有無
年三乘障挽蝨弧
來哲何須矜博物
阮公終日哭窮途

席上賦得吳郡

踞虎餘神跡
疏龍擬帝州

夫差于西山
疏鑿龍池

九途環綠水

萬戶夾朱樓花柳先春見笙歌入夜遊誰知張翰意
鱸膾動鄉愁

宮怨

玉砌霜花薄金鋪月影多自從辭輦後無復翠華過

七夕

搖落逢佳節空庭片月流玉繩低拂樹銀漢迥涵秋
客淚他鄉酒羈心故國樓悽然望牛女萬里獨含愁
過琢之齋

小徑帶芳洲森然水木幽倚風人獨醉竟日客能留
江色偏宜晚林霏欲入秋滄浪如可去乘月問扁舟

九月八日作

三秋行欲暮萬里坐含思搖落驚邊塞羈孤感歲時
淚沾吹笛伎身逐控弦兒明發登高處雲山祗益悲

九日自木丹山歸過淨公蘭若

千山鳥道出雲層九日龍沙欲渡氷征戍未歸榆塞
客經行空對竹林僧深秋漁獵頻相命絕域樓臺且
共登知爾浮杯心不著憐予對酒怨難勝

九月十六夜之密將訪馮侍御炳文

日暮山深少行客四野秋風吹瑟瑟二黃雲垂葉暗孤
城白月生寒照空磧三裏沙昏野燒微城頭霜淨戍
烟稀何處風前度哀角可憐秋盡猶單衣觸夜驅車
還獨往緣雲石磴嵯峨上雉雠頻驚暮雪深馬蹄欲

渡秋水響冰雪連山黯不開憐君遙夕思徘徊
征人應是知寒早常侍誰言帶熱來

春草園林圖歌贈友

丙午年作

昔逢楚臺客爲說黔公園樓臺照海水花石亘山樊
十年南望紆長想銅柱天涯未能往慙漫披圖朔塞
前恍然置我昆池上澹淡如聞碧澗流微茫疑入雲
林幽葉榆川色常階暎越雉山光繞戶稠歷歷二岩
分咫尺陰陰二亭閑毫間出千樹烟綿綺榭深數峯
翠入珠窓濕窗開面二俯垂楊一片池陰繞回廊竹
外射堂馳馬埒花邊步障鬪雞場鬪雞馳馬紛遊讌
點繁華歎奔電漢代升平故老知侯家富貴當時擅

伊昔黔寧下百蠻卓犖勲名湯鄧間分券百年朱鳥
社建牙萬里碧雞山一自烽烟暗滇海朱門青闥知
何在鶴歸猶嘆市朝非燕去寧論臺榭改雨雪飄搖
大漠昏風塵誰識故王孫空將吹笛思金谷幾度聞
笳怨玉門憐君遷謫何時返獨抱丹青意憤懣東陵
衰賤欲摧眉南詔雲山如在眼落日荒臺故國秋六
王茅土竟誰留莫將鳴鶴園中賞來作和龍塞外愁

元旦

龍磧層陰雪未殘又傳春候度展韓旌飛小隊晴雲
細弓倚嚴城曉日寒白擁羊裘沾客淚誰傳馬酒試
辛盤東風苦憶吳宮路苑柳官梅繞玉闌

塞外元旦
必帶列旌

旗城門衛
懸弓矢

贈色君

少將風流雅不羣
安東幕府獨推君
期門舊屬張公子
出塞新從霍冠軍
馬上錦裘青海雪
鵬邊銀鏑黑山雲
翩然二家世通侯
貴不識龍城百戰勲

祁奕喜初至留飲

清霜羸馬古城東
笳管聲淒悵影空
一別朱門瑤草後
相逢紫塞戰塵中
交游祇訝當時盡
尊酒翻憐此夕同
莫道朔邊冰雪地
遷人何處不途窮

木參領還自西域賦贈

聞君昨向月支回
絕域關河抵掌開
楊柳自迎征騎

發蒲萄不逐使車來
眩雷塞絕後
猊坂積雪山迴龍
馬臺千載西陲誇
右臂鑿空誰識漢臣才

三山道士工馬便射賦此贈之

柘月新弓馬上騎
鳴鞭驚見羽衣飄
曾驂瑤圃仙人
鹿欲按金河都護
鵬白雪征行邊
朔苦紫雲歸路海
天遙何肯更逐
皇使蓬島樓船試射鯨

送薩參領

高楊城郭草初暝
翠帶風飄錦戰裙
五月混同猶白
雪單車甌脫只黃雲
射魚部遠人難到
市鹿軍回路
自分今日漠南無戰伐
不須鐵馬更嘶羣

贈張侍郎坦公次姚琢之韻

憐君遊屐滿高峰華髮南冠日引筇幸免濁流沈白
馬何妨遠謫度黃龍愁來獨倚邊城笛老去頻思禁
苑鐘雄劍茂先悲尙在誰將赤土拭芙蓉

公道閩賊之難

東錢子方叔

垂楊千萬絲東風美烟碧別君曾幾時中宵夢顏色
聞君卜築小城南野性由來七不堪堦分紅藥過新
雨窗倚青山入曉嵐寂寥隱几無塵事細草萋萋滿
苔地絲屨能彈劉向棋練裙自草羊欣字落日衡門
怨索居洛生新咏近何如邊庭自昔輕儒雅嗟爾長
貧更讀書

贈少年

十八海東兒容華皎白雪結束紫貂衣翻云事游獵
豪鷹脫綠鞵生馬嘶紅鬣飄韃五石弓金縆兩重甲
秋草山頭獵火燒合圍飛騎北風驕少年獨得嫖姚
顧笑傍金鞍共射鵬

贈吳興錢虞仲

邊頭七月清霜早越客思歸怨邊草歲晏頻傷朔野
寒秋來倍憶前溪好君家閨閣傍前溪公子風流白
袷衣銀燭夜屏羸女鳳瓊鉤秋帳汝南雞傾城名士
俱年少侍女新聲採菱調倚瑟偏令紅袖憐按歌不
惜青衣誦客與深閨樂未央尊前歌笑鬱金香共道
冶遊羅綺盛那知離別寒垣長寒垣廻首繁華盡爛

幙西風供旅病宛轉環留都尉刀歲蕤帶結秦嘉鏡
鏡裏徘徊髮欲秋年二驛使寄衣愁玉管相思雞鹿
塞錦衾歸夢鳳凰樓鳳樓雞塞三千里遼水吳峯詎
相似應憐織素悞佳人却悔從軍成蕩子搖落關山
慘客顏故園奇樹更誰攀遙知玉筍長沾臆無那金
鞍只未還

早秋陪諸公遊密將山

招邀出郭門青山殊未已金鞍小騎何連翩人影遙
遙翠微裏翠微一望延曾巒深松伏澗相風湍飛泉
半挂銀河殘秋嵐散入芙蓉寒石門黯二金花裂隔
溪蒼翠時明滅回風絕壁森晝陰六月空濛見殘雪

西峯百尺寒崔嵬振衣欲上觀蓬萊黃雲泱泱動海
色樓船射鯨安在哉松花江水流浩二十秋戰骨關
山道龍堆狼望空嵯峨飛將勲名歸蔓草昨夜秋風
吹塞天臨潢萬樹生寒烟金笳玉笛起愁思邊心四
據空茫然安得仙槎泛清淺乘流直度支機前壯士
無家誰不憐李陵已向陰沙沒逢萌空梳遼東田君
不見徽宗埋骨空江曲遺塚蒼茫走麋鹿徽宗塚在五國城西
艮岳風流亦一時黃沙玉柳無人哭萬乘飄零且復
然吾生那更悲窮谷擊筑高歌出塞辭何如楚客吹
參差眼前有酒且不飲迢遙漫作鄉關思紫駟嚙嚙
當風嘶爲君重進金屈卮醉卧青山且莫歸明朝秋

雪吹人衣

送人

宛馬柘弓鳴邊沙毳帳輕秋風玉關外送客錦城行
錦城花柳何年別塞草關榆幾回歇刁斗征人長白
雲長白山在寧古之西縈砧思婦流黃月鄉路迢遙劒閣西君
行正值子規啼點鳶山瘴聞銅鼓如馬江濤見石犀
尺書歸報蓮花幕西南喜見烽烟落寶人不復閉昆
明漢使猶傳略印笮盡日軍城檠戟閒紅椒花發映
旌旃應將漠北羌笳曲譜入天南蜀國絃

寄懷陳子長

雪霽山城月色新天涯憐汝倍沾巾家殘已恨無歸

日道遠空憐夢故人尺素三秋憑去雁短衣十月歎
懸鶉傷心同是他鄉客偏是相思隔塞塵

寄懷孫赤崖

已是淹窮微那堪更索居中宵頻夢汝晏歲益愁予
多病憐青鏡繁憂托素書天涯知舊少漂泊意何如
途人之梭龍

落日嘶征馬雙旌出塞門犬牙千障合虎落萬人屯
力戰原法弛刑亦漢恩雕戈風雪裏誰念度烏孫
春夜歸自西郊不寐閱顧華峯舊所寄札

天寒轉玉繩獨夜旅愁凝野色延殘雪春流響斷水
檢書人獨遠憶別夢相仍磨滅三年字因君欲撫膺

詠張侍郎齋前小松

同錢德惟賦

小松亭亭托幽徑，黛色凝階石苔靜。
吐葉纔凌春草高，抽條已入秋霜勁。
拂露搖烟影漸濃，寥寥輕吹度簾風。
三鬣未垂寧似馬，九鱗欲起乍疑龍。
偃蹇孤根矜得地，庭幕玲瓏映新翠。
應知弱幹不勝梁，且共羣枝低繞砌。
一別林巒幾歲年，寄君欄畔任君憐。
何當更植丹崖外，天矯雲霞待僊僊。

送薩叅領入

都

畫角吹嚴霜，征車待明發。
手持都護書，去謁承華闕。
奉使偏輕萬里行，辭家又作經時別。
積裹春來草未生，黃雲荒戍度雙旌。
行人馬首吹羌笛，客路鴻邊指

帝城 帝城此日多懽賞翠蓋驪珂自來往春燕樓
臺照玉河曙鴉宮殿輝金掌如君俊邁許誰倫入奏
應知 寵命新封事倘傳青鎖闥流離須憶紫關人

贈人

瑯服翩二錦帶鈎珠袍輕襲紫貂裘頻彈寶鉞將軍
幕獨倚銀箏少婦樓磧裏按鵬沙欲暮埒中調馬草
初秋龍庭亦是豪游地海月邊霜未覺愁

瓜兒伽屯值雨晚過邨叟家宿卽事書寄孫
赤崖陳子長五十韻

我行龍水外雨過雁山陽曠野無人渡曾陰極目長
橫天風瑟二匝地霧蒼二聲捲蒸沙黑烟沈遠樹黃

溪流侵磴瀉嵐色鎖村荒渺漫彌寒望懷其斷客腸
孰梅思故國泛梗怨他鄉塞柳沾全重山花濕罷芳
寒鵬迷灌木牧馬失遙岡膠漬難調箭壇濡欲壓房
危坡愁徙帳入徑怯攜囊虎跡平林畔牛聲草舍旁
渡河兒蹶馬繞隰婦驅羊殘雪收空窰斜暉下短牆
逢人惟戍客問土是岩疆瓦缶參爲餌蘆罌酪作漿
留賓登土鏐延叟坐繩床蠶切青絲菜盤行赤頰梁
未秋聞割蜜入夜見然糠杯裏弓懸影燈前劍吐芒
山川應異漢兵甲尙傳唐惻惻江南客蕭蕭塞北裝
身方隨拜柳心漫結垂楊牢落知誰恤羈孤敢自傷
莫吟青玉案且任紫絲韁謫遠虞翻枉途窮阮籍狂

恨爲雞塞別悔未鹿門藏世欲鋤蘭畹人徒佩蕙纓
斷紅悲少婦垂白想高堂夢繞三年月愁新兩鬢霜
出園盡蕪沒門第半傾亡臣罪何當惜天心詎可量
微生混牛驥殘息傍豺狼坎塙原吾黨飄零亦士常
旅懷憂怛怛離緒涕浪浪消息遙江介關山隔帶方
生涯應已矣故舊耿難忘共鬱青霞意難希白日光
軍中滯孫楚隴外竄陳湯連憤歌慷慨貽詩興激昂
風流君未墜險阻我偏嘗空濶千年磧蒼茫百戰場
有哀傳玉笛無處訴金觴已自效鵲鸞休矜蠟鳳凰
曲成惟出塞賦就異浮湘宿昔曾投漆招尋會衆糧
冷山風慘切瀚海月淒涼望望人何在悠悠路未央

側身看朔漠回首怨河梁欲問離居意天涯泣數行
宿混同江明日立秋

孤帳長川畔荒城大漠東邊心淹夜月客淚入秋風
積冷鵬盤急沙鳴雁宿空明朝腸斷處一葉故園桐
秋山觀姬人採花

照野秋芳晚攜筐盧女行條繁纖手艷花習靚妝明
迥露沾衣重因風委地輕飄零邊候裏採掇若爲情
送友人

日落單車發沙平迴路分一尊頻送客孤劍獨從軍
大野生秋氣荒臺足暮雲最憐俱絕寒猶自泣離羣
重陽夜送人西行

甫罷登高會明星又別筵憐予黃菊酒送汝白狼川
永夜低銀燭嚴秋勁玉鞭征途殊未極應恨去經年
九月十日雨雪達暮寄琢之

短轅昨向西山別一夕邊風動嚴節戲馬纔傳九日
臺和龍已度千峯雪千峯雪色正漂零惆悵登高故
國情颯然蒸沙驚大漠蒼茫苦霧失孤城二角聲沈
更漏永開軒半霽星河影朔氣偏生玉帳寒清光直
照銀戈冷乘興期君匹馬過霏霏秋雪奈愁何憐將
昨日紅萸酒淚盡今宵黃竹歌